



*meraikan...*



**TAHUN**  
KHIDMAT MASYARAKAT

*Celebrating 50 Years of Community Service*





# Meraikan 50 Tahun Khidmat Masyarakat

*Celebrating 50 Years of Community Service*

*Sponsored by*



© Liga Muslim Pulau Pinang, 2007

All rights reserved. No part of this publication may be reproduced or distributed in any form or by any means, or stored in a database or retrieval system, without the prior written permission of Penang Muslim League.

ISBN 978-983-42607-2-9

Author : Dato' Haji Haja Najmudeen Kader  
Co-Author : Assoc. Prof. Dr. Abdul Khalil H.P. Shawkataly  
Copy Editors : Dr. Leelany Ayob, K.P.M. Mohideen Abd. Kader B. Kassim, Zainul Alam bin Md. Mydin, Shaik Ismail bin Dato' Haji Shaik Allaudin, Julaiha Begum binti Md. Sultan, Madina Bee binti Sheik Mydin, Siti Subayda binti S.M. Mydin  
Historical Data : Hj. Mohamed Sherafath Ali bin Abdul Rahman, Sulaiman bin Hajah Mydin, Azman bin Aziz, A.M. Mohamed Mydin bin Mansoor, Abdul Kader bin K.N Haja Mydin, Haja Mydin, Anwar Buksh (MPL), Mohamed Abubakar bin Abdullah (PIMBB)  
Content Editors : Amzar B. Azman, Ab Razak B. Ahmat, Mohd Saiful Afindi B. Sulaiman, Mohd Salahuddin B. Sabri, Mohd Zaidi B. Husain, Fatin Safiah Bt. Kamaruddin, Liza Zuriani Bt. Sujaie, Naseebah Bt. Yaacob, Siti Aishah Bt. Mohd Zali, Wan Nor'aizzati Bt. Wan Zamry, Siti Hazneza Bt. Abdul Hamid

Book Cover Concept: Shaik Aqmal bin Dato' Haji Shaik Allaudin

Printed by P&Y Media Sdn. Bhd.

YABhg. Tun Dr. Mahathir Mohamad

Tun, you have shown Malaysia the way forward with your firm decisions, directions and vision during your premiership, which today we realise and see as the golden years. With great appreciation and sincerity we express our gratitude and thank you, Sir.



# Meraikan 50 Tahun Khidmat Masyarakat

*Celebrating 50 Years of Community Service*

*Selamat Berjuang...*

PUSTAKA PERDANA



1013704

DATO' HAJI HAJA NAJMUDEEN KADER  
ASSOC. PROF. DR. ABDUL KHALIL H.P. SHAWKATALY

23-12-09  
Kompleks Tabung Haji  
Penang



# KANDUNGAN *CONTENTS*

PERUTUSAN PERDANA MENTERI  
*PRIME MINISTER'S MESSAGE*

PENDAHULUAN  
*FOREWORD*

PRAKATA  
*PREFACE*

PENGENALAN 1  
*INTRODUCTION*

PENGARUH BUDAYA, SOSIAL DAN PENDIDIKAN 8  
*INFLUENCE ON CULTURE, SOCIAL AND EDUCATION*

PENUBUHAN PERSATUAN-PERSATUAN MUSLIM 14  
*FORMATION OF MUSLIM ASSOCIATIONS*

PENUBUHAN PERSATUAN LIGA MUSLIM PULAU PINANG 24  
*THE ESTABLISHMENT OF THE PENANG MUSLIM LEAGUE*

BANGUNAN LIGA MUSLIM 37  
*LEAGUE'S BUILDING*

BERSAMA PEMIMPIN 43  
*WITH THE LEADERS*

PERAYAAN JUBLI PERAK 49  
*CELEBRATING SILVER JUBILEE*

PROGRAM SAMBUTAN ULANGTAHUN KE-40 69  
*MUSLIM LEAGUE 40<sup>th</sup> ANNIVERSARY PROGRAMS*

KAUNSELING 83  
*COUNSELLING*

MENYUARAKAN ISU MASYARAKAT INDIA MUSLIM <i>VOICING FOR THE INDIAN MUSLIMS ISSUES</i>	99
PERJUMPAAN DENGAN MENTERI-MENTERI <i>MEETING WITH THE MINISTERS</i>	106
ERA MENJANA MASYARAKAT MUSLIM PROGRESIF <i>PROPELLING THE MUSLIM COMMUNITY TO PROGRESS</i>	118
CADANGAN OLEH YANG DIPERTUA NEGERI PULAU PINANG - FORUM PERDANA DALAM BAHASA TAMIL <i>T.Y.T. TUN'S SUGGESTION - FORUM PERDANA IN TAMIL LANGUAGE</i>	131
PERGERAKAN PEMUDA LIGA MUSLIM <i>MUSLIM LEAGUE YOUTH MOVEMENT</i>	139
FOKUS KEPADA KEPENTINGAN EKONOMI <i>FOCUS ON ECONOMIC IMPORTANCE</i>	142
KESEDARAN KESIHATAN <i>HEALTH AWARENESS</i>	151
BANTUAN HARI RAYA <i>HARI RAYA DONATIONS</i>	169
PUSAT KHIDMAT <i>SERVICE CENTRE</i>	177
PENGHARGAAN <i>ACKNOWLEDGEMENTS</i>	188
BIODATA	189

## PERUTUSAN PERDANA MENTERI



Assalamualaikum warahmatullahi wabarakatuh,

Persatuan Liga Muslim Pulau Pinang yang telah wujud sejak lima dekad yang lalu, nyata memainkan peranan penting untuk berkhidmat demi kepentingan masyarakat Muslim di Pulau Pinang khususnya dan di Malaysia amnya. Pencapaian Liga Muslim sehingga kini telah membuktikan kematangan dan kejayaannya dengan memfokuskan wawasan kemajuan dan pembangunan ummah.

Meraikan 50 tahun penubuhan Liga Muslim Pulau Pinang adalah satu detik sejarah yang harus dibanggakan, kerana perjuangan, liku-liku perjalanan, sumbangan, pencapaian dan hala tuju adalah asas kejayaan dan kemajuan liga.

Syabas dan tahniah diucapkan kepada Liga Muslim atas usaha dan inisiatifnya menerbitkan buku sempena meraikan 50 tahun penubuhan Liga Muslim. Buku ini adalah satu kenangan dan inspirasi untuk ahli-ahli liga terus berbakti kepada bangsa, agama dan negara. Malah, penerbitan buku ini diharapkan akan menjadi sumber rujukan untuk generasi akan datang.

Insya Allah, saya berharap buku ini akan mendorong ahli-ahli liga untuk terus berusaha demi mencapai cita-cita dan matlamatnya, disamping memberi semangat ke arah melahirkan masyarakat yang cemerlang, gemilang dan terbilang.

Sekian, Wassalam.

DATO' SERI ABDULLAH HJ. AHMAD BADAWI  
Perdana Menteri Malaysia

## PENDAHULUAN

Assalamualaikum

Buku ini meraikan 50 tahun perjalanan Persatuan Liga Muslim Pulau Pinang yang telah memainkan peranan penting dalam sejarah Malaysia khususnya di Pulau Pinang. Buku ini memperingati Liga Muslim sebagai pertubuhan yang masih muda dan aktif dalam peralihannya ke peringkat dewasa sebagai satu institusi yang terkenal dan dihormati dalam kalangan NGO di Malaysia ataupun di dunia.

Edisi ini adalah istimewa kerana menandakan satu komitmen persatuan untuk menyokong kerajaan dan kepimpinan negeri dan pusat dalam usaha mewujudkan masyarakat Islam yang progresif dan maju dalam bidang kerjaya dan sektor produktiviti pembangunan negara.

Liga Muslim bukan sahaja berperanan membantu golongan masyarakat yang kurang berkemampuan bahkan juga bermatlamat meningkatkan pengetahuan dan kebolehan muslimin dan muslimat menghadapi cabaran agama, sosial, ekonomi dan pendidikan.

Matlamat lebih besar Liga Muslim adalah kepada perpaduan-melalui perancangan meningkatkan diri kita untuk mencapai pemahaman idealisme yang akan meningkatkan sokongan dan kerjasama antara masyarakat majmuk Malaysia.




## PRAKATA

*Meraikan 50 Tahun Khidmat Masyarakat... Celebrating 50 Years of Community Service* ialah hasil daripada buah fikiran Dato' Hj Haja Najmudeen Kader untuk merakam liku-liku perjalanan, sumbangan dan pencapaian Liga Muslim Pulau Pinang sepanjang kewujudannya terutamanya di Pulau Pinang.

Lebih daripada itu, buku ini diharap akan menjadi korpus warisan kepada generasi akan datang agar mereka lebih menghargai budaya, bangsa dan negara ini. Jerih payah pemimpin dan generasi terdahulu untuk berjuang dan membangunkan jati diri mereka harus menjadi inspirasi dan motivasi kepada kita hari ini.

Sebagai sebuah buku terbitan organisasi bukan kerajaan (NGO) yang julung-julung kali diterbitkan, *Meraikan 50 Tahun Khidmat Masyarakat... Celebrating 50 Years of Community Service* cuba merakam setiap perjuangan, pencapaian dan kegemilangan Liga Muslim Pulau Pinang sepanjang 50 tahun dengan tulisan yang santai tanpa mengurangkan sedikit pun nilai sejarah dan kebanggaannya. Buku ini dipersembahkan dalam tiga era dengan era pertama sejak tahun 1945-1989, era kedua sejak 1990-2002 dan era ketiga bermula sejak tahun 2002.



**Meraikan 50 Tahun**  
Khidmat Masyarakat  
*Celebrating 50 Years of Community Service*

# PENGENALAN

## INTRODUCTION

Hubungan India Muslim dengan Tanah Melayu telah wujud berkurun-kurun lamanya. Catatan sejarah menunjukkan abad ke-15 sebagai kurun pertama kedatangan orang Islam dari India ke Tanah Melayu apabila Kedah menjadi pelabuhan penting antara India dan China. Golongan India Muslim telah datang ke Tanah Melayu untuk tujuan perdagangan dan perniagaan dan kerana negara ini terkenal sebagai sebuah kawasan yang sangat kaya dengan hasil bumi. Pedagang India Muslim yang mula menetap di Kedah kebanyakannya adalah golongan Chulia dari pantai Coromandel, India Selatan – satu kawasan yang terdedah kepada pengaruh Arab. Dalam abad ke-15, Melaka menjadi salah sebuah pusat entreport yang paling penting di dunia. Pada masa itu, pedagang India Muslim yang dikenali oleh penduduk tempatan sebagai 'keling' telah menjadi golongan yang paling ramai dan berpengaruh di Melaka. Dalam abad ke-17 dan 18 peniaga-peniaga India Muslim telah memainkan peranan yang sangat penting sebagai golongan peniaga bagi pihak sultan-sultan di Tanah Melayu. Hal demikian ini kerana pedagang-pedagang India Muslim merupakan golongan yang bijak mengendalikan perniagaan, mempunyai kewangan yang kukuh, menguasai pelbagai bahasa dan memiliki jaringan perniagaan di semua negara di Asia Tenggara.

*The relations between Indian Muslims and Malaya existed centuries ago. Recorded history indicated that the first arrival of the Indian Muslims from India to Malaya was in the 15th century, when Kedah became an important port for trade between India and China. They came to the country for the purpose of commercial and trading activities, as Malaya was well-known as a land rich in natural resources. The Indian Muslim traders who were living in Kedah were mostly of Chulia descendants from the Coromandel coast of, Southern India – a place exposed to Arab influence. In the 15th century, Malacca became one of the most well-known entreport in the world. At that time, the Indian Muslim traders were called 'keling' by the locals and they were the majority and most influential in Malacca. In the 17th and 18th centuries, Indian Muslim traders played important roles as the traders for the sultans of Malaya due to their abilities and expertise in conducting businesses, their financial strength, the ability to master several languages, as well as the close trade networks that they had within the Southeast Asian region.*



# SAUDAGAR RAJA

## *THE ROYAL MERCHANTS*

Sifat jujur, amanah dan ikhlas dalam menjalankan perniagaan di Tanah Melayu membuatkan pengaruh mereka dalam bidang perniagaan menjadi semakin luas dan akhirnya mereka telah digelar 'saudagar Raja'. Melalui perkahwinan dengan puteri-puteri sultan dan keluarga diraja, mereka juga telah dilantik menjadi *Bendahara* dan *Temenggung Istana* dan mempunyai tempat dalam pentadbiran Kesultanan Melayu kerana kepercayaan yang tinggi daripada pihak Sultan kepada mereka. Menurut Tan Sri Sinnarowther Osman Kadirbasha (S.O.K) Ubaidullah, pemegang amanah Yayasan Ubaidi Bahagian Kuala Lumpur, golongan India Muslim dari India Selatan yang telah berhijrah ke Tanah Melayu ini terbahagi kepada dua kumpulan: Rawther dan Marakayar.

*Well-known for their honesty, trustworthiness and sincerity in trading around Malaya, Indian Muslims expanded their influence and were known as 'the Royal traders'. Through marriages with the princesses of the sultans and royalties, as well as the deep trust the sultans had for them, a number of Indian Muslims were appointed as **Bendahara** and **Temenggung** to the sultans and had places in the Malay Sultanate administrations. According to Tan Sri Sinnarowther Osman Kadirbasha (S.O.K) Ubaidullah, the trustee of Kuala Lumpur based Ubaidi Foundation, Indian Muslims who migrated from South India to Malaya were divided into two groups: Rawther and Marakayar.*





Berdasarkan catatan sejarah, Rawther bermaksud penunggang kuda. Kumpulan ini, yang berasal dari kawasan tengah India Selatan, merupakan tentera berkuda India Muslim yang berhijrah ke bahagian India Selatan selepas serangan tentera Mughal. Kumpulan ini kemudiannya telah berkahwin dengan orang-orang tempatan dan menetap di sana sebagai petani. Manakala Marakayar (yang diambil dari perkataan Tamil *Mara Kala Ayar*) bermaksud pembuat kapal kayu merupakan kumpulan Merican di Malaysia pada hari ini. Mereka ini, yang berasal dari pantai Coromandel, India Selatan, ialah golongan pelaut yang sangat cekap membina dan mengendalikan kapal. Mereka terkenal sebagai peniaga dan pemilik kapal-kapal besar.

*According to recorded history, Rawther means horse rider. Initially, these people, who came from the middle part of Southern India, were Indian Muslim cavalry who migrated to South India after the Mughal's attack. They then married the locals and stayed in South India as farmers. On the other hand, Marakayar, taken from Tamil words *Mara Kala Ayar*, means wooden vessel builder. These people, who came from Coromandel coast of, Southern India, were excellent seafarers who were skillful at building and managing ships. They were also well-known as merchants and owners of big vessels. Today, people of Marakayar descends are called are Mericans in Malaysia.*

## MEMBAWA NILAI KEMEGAHAN KEPADA KERJAAN MELAKA

### *BRINGING THE MOST HONOUR TO THE MALACCA GOVERNMENT*

Dalam abad ke-19 golongan India Muslim juga dikenali dengan nama keling, moor dan chulia. Seorang pencatat peristiwa dari Portugis, Tom Pires telah mencatatkan India Muslim ini sebagai "golongan yang menguasai perdagangan dan membawa nilai kemegahan kepada Kerajaan Melaka". Selain itu, keupayaan kumpulan India Muslim ini bertutur bahasa Tamil, Melayu, Arab dan sekurang-kurangnya satu bahasa Eropah telah menjadikan mereka orang perantara yang amat diperlukan semasa proses perdagangan. Perkataan *mamak* atau *pak cik* yang digunakan pada zaman sekarang merupakan panggilan terhormat kepada golongan India Muslim di dalam mahkamah di Tanah Melayu pada ketika itu.

Dengan kejatuhan Melaka ke tangan Portugis pada tahun 1511, dan kemudiannya Belanda pada tahun 1641, serta kehilangan status pelabuhan entreport antarabangsa, ramai masyarakat India Muslim berhijrah ke Kedah. Apabila Pulau Pinang menjadi pelabuhan bebas pada 1786, ramai golongan Chulia dari Kedah telah menjadi masyarakat India Muslim dan Jawi Peranakan pertama yang menetap di pulau ini.



*In the 19th century, Indian Muslims were also called keling, moor and chulia by the Malays and Europeans. A Portuguese chronicler Tom Pires, referred the Indian Muslims as "the nation that brings the most honour to Malacca and had the bulk of the trade in their hands". Furthermore, the ability of Indian Muslims in mastering languages like Tamil, Malay, Arabic and at least one European language made them invaluable mediators in trading processes. The words mamak or pak cik, which are widely used today used to be honourable terms to address the Indian Muslims in Malayan courts at that time.*

*With the fall of Malacca in the hands of Portugese in 1511, and then the Dutch in 1641, as well as the lost of the status as international entreport, many Indian Muslims moved to Kedah. Then, when Penang became a trading post in 1786, many 'chulias' from Kedah moved to Penang and became the first Indian Muslim and Jawi Peranakan communities in the island.*

## JAWI PERANAKAN

Kumpulan Jawi Peranakan adalah sebuah komuniti India Muslim yang besar di Tanah Melayu suatu ketika dahulu. Kumpulan ini merupakan kumpulan elit dalam kalangan masyarakat Melayu pada pertengahan abad ke-19 yang terhasil daripada perkahwinan campur antara orang India dan Melayu. Selain itu, kumpulan Jawi Peranakan juga terhasil daripada perkahwinan campur yang pelbagai seperti perkahwinan antara orang Arab, Benggali, Punjabi, Aceh dan juga antara Siam dan Cina. Perkara ini berlaku apabila, pada tahun 1879, bilangan imigran dari India yang berhijrah ke Singapura telah meningkat dengan mendadak, menjadikan kumpulan ini sebagai komuniti kedua terbesar di Singapura. Namun, jumlah ini berkurangan apabila kebanyakan imigran akhirnya mengambil keputusan untuk menetap di Tanah Melayu. Rata-rata imigran yang berhijrah terdiri daripada golongan lelaki. Kekurangan kumpulan wanita dalam kalangan imigran India Muslim ini menjurus mereka mengahwini wanita Melayu dan akhirnya membentuk masyarakat Jawi Peranakan.

Pada pertengahan kurun ke-19, peniaga-peniaga Jawi Peranakan seperti Marakayar, Merican dan Nordin telah menjadi peniaga berjaya di bawah jagaan Kapitan Keling pertama, Kader Mydin Merican.




Dari kiri: Dr. Sir Kamil Mohamed Ariff, Lady Rahim Bee Ariff, Datin Zubaidah Hashim, Dato' Mushir Ariff

*From left: Dr. Sir Kamil Mohamed Ariff, Lady Rahim Bee Ariff, Datin Zubaidah Hashim, Dato' Mushir Ariff*


*Jawi Peranakan was a big Indian Muslim community in Malaya. This group was considered the elite among the Malays in the middle of 19th century. Jawi Peranakan originated from intermarriages between Indians and Malays, as well as those between the Arabs, Bengali, Punjabi, Acehnese, Siamese and Chinese. In 1879, the number of Indian immigrants in Singapore increased tremendously and their community became the second biggest there. The number, however, decreased when more immigrants chose to stay in Malaya, particularly in Penang. As there were more men than women among them, the Indian Muslim men eventually married Malay women, thus, Jawi Peranakan generation was born.*

*In the middle of the 19th century, Jawi Peranakan traders such as Marakayar, Merican and Nordin became successful traders under the care of the first Kapitan Keling, Kader Mydin Merican.*



Shaik Mohamed dengan topi 'bowler'

*Shaik Mohamed with bowler hat*



Keluarga K.P. Hussein di rumahnya.

*K.P. Hussein's family at his residence.*


Gambar ini diambil di Bandung (Jawa).  
 Berdiri dari kiri, Hj. K.P. Abu Bakar, Abdul  
 Hamid dan Sheikh Abdullah Basalamah.  
 Duduk di tengah, Haji Fadthil Basheer.  
 Bulan Mei 1929.

*Photo taken in Bandung (Jawa).  
 Standing from left Hj. K.P. Abu Bakar,  
 Abdul Hamid and Sheikh Abdullah Basalamah.  
 Seated Haji Fadthil Basheer.  
 Taken in May 1929.*



Pakaian dan hiasan keluarga Jawi Peranakan (1910).

*Jawi Peranakan's clothings and accessories.*



Pasangan pengantin dalam tahun 1930an.

*A pair of bride and groom in 1930s.*

# BENIH NILAI-NILAI NASIONALISMA MULA DITANAM

## *SOWING THE SEEDS OF NATIONALISM*

Selain itu, kumpulan Jawi Peranakan ini juga merupakan golongan yang mempunyai pekerjaan yang sangat kukuh dan terlibat sebagai golongan profesional seperti pedagang, akauntan, pegawai kerajaan, pengukur tanah dan penterjemah di syarikat-syarikat yang terkemuka dan besar kerana kemampuan mereka berbahasa dalam pelbagai bahasa dengan begitu fasih sekali. Masyarakat Muslim ini kebanyakannya tinggal di Lebuh Chulia, Lorong Hutton, Jalan Kedah, Jalan Transfer, Jalan Burmah, Jalan Macalister dan Jalan Dato Keramat. Pada akhir kurun ke-19, kumpulan ini telah mencapai satu tahap dan kedudukan yang cukup stabil di Melaka dan Pulau Pinang sehingga mampu menerbitkan akhbar sendiri, 'Jawi Peranakan', yang bertahan hampir 20 tahun. Akhbar ini telah dikarang dan diterbitkan oleh kumpulan India Muslim tempatan dan menjadi akhbar jawi pertama yang sangat berpengaruh di Tanah Melayu pada ketika itu.

Benih nilai-nilai nasionalisme mula di tanam di dalam hati pembaca melalui penulisan akhbar jawi ini. Penulis 'Jawi Peranakan' awal seperti S.M. Yusoff dan S.M. Zainal Abidin membangkitkan isu kemiskinan Melayu dan ketinggalan mereka dalam pembangunan. Usaha Jawi Peranakan membangkitkan isu sosio-politik dan membina perpaduan dilaksanakan melalui penglibatan mereka dalam persatuan seperti Malay Recreation Club, Penang Malay Association dan Young Muslim Union.

*Jawi Peranakans had stable careers and were involved as professionals such as merchants, accountants, government officers, land surveyors and translators at big and established companies, due to their ability to speak multiple languages fluently. Most of them lived in Chulia Street, Hutton Street, Kedah Road, Transfer Road, Burmah Road, Macalister Road and Dato Keramat Road. The end of the 19th century saw the Jawi Peranakans gaining much stability with high regard from the society in Malacca and Penang that they were able to produce their own press called 'Jawi Peranakan', which lasted 20 years . It was written and published by the local Indian Muslims and become the first and most influential jawi prints in Malaya.*



*Transfer Road, Penang*



*Chulia Street, Penang*

*The writings in the jawi press began to rouse the nationalism spirit in the readers. Early 'Jawi Peranakan' writers include S.M. Yusoff and S.M. Zainal Abidin, who raised poverty issue among Malays and the issue of the Malays being left behind in the development. Jawi Peranakan's efforts in raising the socio-political and unity issues were done through their involvements in associations, such as the Malay Recreation Club, Penang Malay Association dan Young Muslim Union.*

# PENGARUH BUDAYA, SOSIAL DAN PENDIDIKAN

## *INFLUENCE ON CULTURE, SOCIAL AND EDUCATION*

Pengaruh India Muslim di Tanah Melayu semakin meluas dengan pembawaan nilai budaya material yang sangat mewah seperti tekstil, barangan emas dan permata, barangan hantaran serta pembinaan pelamin untuk majlis perkahwinan yang dilihat cukup hebat dan penuh nilai tradisi campuran yang dibawa dari India. Evolusi masyarakat India Muslim semakin jelas dengan penglibatan mereka dalam aktiviti perarakan sambutan Awal Muharram dan seni persembahan Boria pada kurun ke-19. Mereka juga semakin aktif dengan kegiatan sosial apabila banyak kelab-kelab sukan dan sastera telah ditubuhkan.

Antara lain pengaruh budaya yang telah dibawa oleh golongan India Muslim ini ialah penggunaan kain pelikat dalam masyarakat Melayu dan masakan nasi kandar yang terdiri dari campuran kari buatan sendiri yang sangat terkenal di Pulau Pinang.

### **Pendidikan**

Peranan masyarakat India Muslim dan Jawi Peranakan dalam pendidikan Islam dapat dilihat dari pembinaan sekolah agama di kampung dan madrasah di pekan. Pengetahuan bahasa Tamil, bahasa Arab dan bahasa Melayu menjadikan golongan ini guru yang handal mengajar bahasa Arab, al-Quran dan hal-hal agama, serta menjadi pentadbir pendidikan yang baik.

*Indian Muslims' influence spread throughout Malaya in the form of luxurious material cultural values, such as beautiful textiles, jewelleryes, gemstones, wedding gifts and wedding dais, of which are glorious and magnificent with mixture of traditions from India. The Indian Muslims evolution heightened and became visible through their involvements in activities like the Awal Muharram parade and Boria performances in the 19th century. They were also beginning to be more active in social activities which can be seen through the growing number of establishments of sports and literature clubs. Among the Indian Muslims' culture that had been inculcated into the Malay society were the wearing of 'kain pelikat' and the cooking of 'nasi kandar' with a mixture of homemade curries eaten with steamed rice which is famous in Penang.*

### *Education*

*The Indian Muslims and Jawi Peranakan roles' in Islamic education could be seen through the building of Islamic schools at villages and madrasahs in towns. The knowledge in Tamil, Arabic dan Malay made them excellent teachers in teaching Arab, the Quran and other aspects of religion, as well as enabling them to be good education administrators.*



Boria asal Jalan Hatin dalam tahun 1930an terkenal sebagai Pasukan High Landers.

*One of the earlier boria groups of Hatin Road in 1930an as The Highlanders.*



Boria Jalam Hatin dipimpin oleh Osman Abu Bakar.

*Hatin Road Boria led by Osman Abu Bakar*



LIGA MUSLIM PULAU PINANG

Menjana Masyarakat Muslim  
Progresif

